

教綱附件八教儀天人禮儀五師制一、
學道則儀。學道須知道，掃淨六賊心
，抱一深履進，真理自然明。學道須
樂觀，難得聚斯歡，生命本偶然，一
覺勝萬貫。學道須奮鬥，慧劍揮亂麻
，常示不越範，天真永無邪。學道須
尊師，師爲道之基，兢兢復業業，真
道日新知。學道悟平等，聖凡本同源
，天人相親和，齊步登雲程。學道須

卓堅，焉懼神媒鞭，百磨我自在，畢
證大羅仙。學道須定靜，焉怕魔來侵
，精究密中奧，永得清淨心。學道須
大同，無域亦無畛，永和無相悖，萬
世慶昇平。學道須了緣，我道本圓融
，爾我不著相，大道一貫通。學道須
皈戒，戒爲修身門，持乘進皈寶，道
程日光明。學道永無相，卽辨真陰陽
，能識固中玄，是道必大光。學道無

得道，放下萬緣空，一旦覺溢充，宇宙共始終。道無爲，理無窮，初學者難得知道知理。理之不知，道之不修，是爲道賊；履道不持，進理不窮，盜名爲道，是爲盜道。凡我天帝教徒，必先行善積德，循乘而修，以入道、知道、信道、學道、辨道、親道、皈道、奮道、進道、悟道、傳道、證道爲究竟。節欲制念，剛木狂訥，可

與入道。修識教義，正心蓄銳，可與
知道。純潔心念，萬緣俱寂，可謂信
道。窮究真理，親和天人，可謂學道
。百魔不折，邪念不移，名之辨道。
卓持正見，參履正理，謂之親道。志
心真理，絕堅不二，謂之皈道。與魔
奮鬥，久持風濤，名之奮道。修命立
性，定靜永安，是名進道。知天之真
，知道之立，是名悟道。開化痴愚，

引人入勝，是謂傳道。替天行道，化
 延末劫，廣宣教義，普濟蒼生，傳跡
 留形，日月詠春，是爲證道，亦謂成
 道。循次以進，十年大成，雖不中亦
 不遠，師制如是，萬禩千秋。二獨居
 之儀。心中誠，意正公，慎言謹語，
 心表堅卓，節制喜怒哀樂，明辨事理
 ，果敢精進，精窮教義，儀爲師資，
 寡慎獨居，居必正，行必尊，言恂恂

，視聽不邪，志昂而不卑，旨酒不度

量，應必靜，隱惡而揚善，不卑賤，

敬持幼耆，善攝衛生，慈悲方便，不

傷天和，不殄天物，唯謹唯乾，執道

永持，凡有獨居如是者，師必尊，教

之福也，盍勉門人。